

吉安府志卷之十五

中憲大夫知吉安府事加一級李興元總修

郡人 歐陽圭生 王辰 纂修

羅允復 康若生

學校志 社學書院附

建官長民可勿教乎師者以司教也學校之設先聖先師在焉居室附于宮泮水環之處其中以造士詩書禮樂之化以興郊有社鄉有書院其事法學校翼師教也作如者有人或踵事而益新初

吉安府志

學校志

基於其所某也易之其功皆在教得並書屬邑所書如郡作學校志

吉安府學在府治西南宋慶曆四年詔州縣學徒滿二百人以上得立學知州李寬始立州學歐陽修為文記之紹興二十六年高宗御製孔子暨諸賢贊刻石大學仍賜剞本於諸學校淳熙十五年知軍朱晞顏修之周益公必大為記洪武而後知府莫巳知蔣良輔陳本溪虞忠張銳顧福張淳以次增飾規制燦然大倫嘉靖八年

詔建

敬一亭貯

御製敬一箴宋儒視聽言動四箴註范浚心箴註九年始奉

制易大成殿曰先師廟建啓聖祠正聖賢祀典先是
洪武初國子司業宋濂上孔子廟堂議謂苟况之
言性惡楊雄之事王奔王弼之宗莊老賈逵之忽
細行杜預之建短喪馬融之黨附勢家並宜罷祀
又謂回叅伋坐饗堂上而其父列食廡間顛倒羹

吉安府志

學校志

二

倫莫此爲甚 上不喜謫濂安遠知縣未幾黜雄
從祀弘治初學士程敏政請罷馬融王弼戴聖劉
向賈逵何休王肅杜預八人從祀祀鄭衆盧植鄭
玄服虔范甯於其鄉又謂况雄實相伯仲宜并黜
况申棖申黨本一人宜存棖家語七十弟子不及
公伯寮秦冉顏何遽瑗林放宜罷寮冉何祀祀瑗
於衛放於魯禮記傳於后蒼與王通胡瑗皆宜從
祀顏淵子思配於廟殿而父坐庭廡非禮宜別立
祠廟中祀啓聖以顏無繇曾點孔鯉孟孫氏配享

程昞朱松從祀下禮官議不可遂已四年
鐸請祀楊時斥吳澄不報八年大學士楊溥復請
祀楊時從之十四年鐸又請別祀叔梁紇罷吳澄
從祀不報嘉靖九年用輔臣張總議作正孔子祀
典說改大成至聖文宣王爲至聖先師孔子四配
爲復聖顏子宗聖曾子述聖子思子亞聖孟子從
祀及門弟子稱一設木主罷公侯二諸封爵中黨中三二人存棖去
黨寮冉何況聖向達融休肅弼四澄十三人罷祀

吉安府志

學校志

三

放瑗立衆植虔一第七人祀於其鄉進后蒼王通胡
瑗歐陽修從祀又以行人薛侃議進陸九淵從祀
改稱大成殿爲先師廟大成門爲廟門璉又引敏
政說請別立祠祀齊公叔梁紇稱啓聖公孔氏以
無繇點鯉孟孫氏配稱先賢昞松蔡元定從祀稱
先儒撤無繇點鯉從祀從之十年勒
御製正孔子祀典說暨申說
聖諭于石樹戟門左右各縣學如之

先師廟祀先師南向復聖顏子宗聖曾子述聖子思

于亞聖孟子東 鹵相向稍後先賢閔損冉耕冉雍
宰予端木賜冉求仲由言偃卜商顓孫師十哲從

祀亦東西相向 兩廡從祀先賢澹臺滅明子升

宓不齊字子賤 原憲字子思 公冶長字子長 南宮

适字子容 高柴字子羔 漆雕開字子若 樊須字子遲

人 司馬耕字子牛 公鹵赤字子華 有若字子若 琴

牢字子開 申枨字子續 陳亢字子禽 巫馬施字子期

人 梁鱣字叔魚 公哲哀字季次 商瞿字子木 冉孺

字子魯 顏辛字子柳 伯虔字子折 曹邴字子循 冉

吉安府志

李校志

季字子產 公孫龍字子石 漆雕哆字子劍 秦商字子

不魯 漆雕徒父字子斯 顏高字子驕 商澤字子秀

壤駟赤字子徒 任不齊字子選 石作蜀字子明 公

良孺字子正 公夏首字子乘 公肩定字子牛 后處

字千里 鄒單字子家 奚容箴字子哲 羊父黑字子

人 顏祖字子裘 榮旂字子旗 秦祖字子南 左人鄆

一作左郢 字句 井疆字子孟 鄭國字子徒 公祖句

茲字子之 原亢字子籍 縣成字子真 廉潔字子庸

思叔 仲會字子明 顏之僕字子叔 邾選

字子欽 魯人 樂欬 字子聲 秦人 公鹵 與如 字子之 魯人 狄黑 字子哲 魯人

人 孔忠 字子復 魯人 公西箴 字子尚 魯人 步叔乘 字子車 齊人 施

之常 字子恒 魯人 秦非 字子之 魯人 顏噲 字子聲 魯人 先儒左丘

明公羊高 穀梁赤 伏勝 高堂生 孔安國 毛萇 董仲

舒 后蒼 杜子春 王通 韓愈 胡瑗 周惇 願 程顥 歐陽

脩 邵雍 張載 司馬光 程頤 楊時 胡安國 朱熹 張栻

陸九淵 呂祖謙 蔡沉 真德秀 許衡 今增 薛瑄 王守

仁 陳獻章 胡居仁 共九十五人 前為戟門櫺星門

神庫在戟門左 神厨在戟門右 宰牲房在神厨之

吉安府志

學校志

五

右廟後為明倫堂 有石刻東坡所書歐陽脩醉翁

亭記 東二齋曰志道 依仁 西二齋曰據德 游藝堂

左為致齋所 右為會饌堂 明秀堂在明倫堂之後

射圃在讀書臺之下 櫺星門之外 為振文坊 左右

為攀龍鱗 附鳳翼 坊祭器祝板一 祝案一 篚箱九

爵一百九十 邊錫七十五 副漆一百三十 副豆銅

十四 副錫六十九 副漆一百三十 副簋銅一十八

副漆三十五 副簋銅十八 副漆三十五 副登銅四

錫二十五 銅二十二 罇銅犧罇象罇各二 壺罇八

大罇四玷一十三龍杓三幕布三盥盆三牲匣二
硃漆銅環牲案二硃漆罇案三樂器廡旛一祝一
敵一應鼓一賻拊二瑟四琴六埙二篪二簫一笛
二排簫二鐘十六磬十六笙六歌工六人此堂上
之樂舞千三十六籥三十六笙節二舞生三十六
人此堂階之舞樂章迎神大哉宣聖道德尊崇維
持王化斯民是宗典祀有常精純並隆神其來格
於昭聖容莫帛目生民來誰底其盛惟王神明度
越前聖柔帛具成禮容斯稱黍稷非馨惟神之聽

初獻大哉聖王寔天生德作樂以崇時祀無斃清
酏惟馨嘉牲孔碩薦羞神明庶幾昭格亞獻終獻
百王宗師生民物軌瞻之洋洋神其寧止酌彼金
壘惟清且旨登獻于三於嘻成禮徹饌犧象在前
豆籩在列以享以薦既芬既潔禮成樂備人和神
悅祭則受福率遵無越送神望瘞有嚴學宮四方
來宗恪恭祀事威儀雍雍歆格惟馨神馭還復明
禋斯界咸膺百福祭物帛九段每段長四丈八尺
羊二豕六鹿一兔六香燭酒黍稷稻粱鹽榛芡莢

藜粟韭菹芹菹菁菹笋菹藁魚魚醢醢醢鹿醢鹿
醢鹿脯頒降書籍大誥孝順事實爲善陰騭五經
性理大全大明一統志五倫書勸善書書傳會選
啓聖祠嘉靖十年增建丁祭日子夜先祭啓聖公孔
氏用少牢先祭無繇增點孔鯉孟孫氏左右配
饗先儒程珦朱柏蔡元定兩廡從祀名宦祠鄉賢
祠成化間知府顧福改建學田計七十畝零三分
四厘除納糧外共收租穀三百五十九石一斗六
升白鷺書院在城東白鷺洲上淳祐辛丑郡守江

萬里建有文宣王殿雲章閣道心堂周程張六君
子祠理宗賜白鷺洲書院五大字置田租八百石
設山長一員有歐陽守道記至正間監郡納速兒
丁重修吳師尹記歲久傾圮嘉靖壬寅郡守何其
高移建于城南仁壽山隆慶辛未改爲廬陵儒學
以舊學文廟尊經閣爲白鷺書院尋廢

廬陵縣儒學舊在縣治東南數百步後徙縣北三里
隆慶辛未知縣龔懋賢申請改建于白鷺書院卽
舊志所稱仁壽山也東抵街南抵忠節祠西北屆
民居前豎首邑儒宮坊其說具尙書尹室記中萬
曆四年知府張振之於尊經閣後建時雨樓十一
年知府余之禎知縣錢一本改學門遷首邑儒宮
坊更扁江右名賢前臨大江始砌臺列石欄令空
澗見巽水形勝遂稱雄奇廟學規制大畧與所學
同故不載先是知縣陳楠於嘉靖四十二年斥俸

百金置學田五十畝三分載糧二石二斗一升六
合五勺移屬縣丞廳理之聽本學支給云社學舊
志載五所按洪武時每坊廂各建一區擇耆舊爲
之師今第寄空名耳西原會館在西原山能仁寺
之左萬曆甲申郡人陳嘉謨等損金買地共建題
曰永益堂置田三十畝共會饌王時槐撰會志
泰和縣儒學舊在縣西延真觀之左宋咸平間知縣
范應辰徙置今地建炎初門廡寢壞邑人學宮劉
申與貢士嚴煥倡衆大新之元升爲州學至正十

一年監州達理馬誠禮增建齋堂四所

明復為縣學知縣劉昭先郝思讓孫用和張源譚

昇王輔陳毅張寅呂調美祝教相繼修理規制大

備萬曆五年知縣唐伯元出贖金增買廟門屏墻

外民地一所開廣道通市馬廟貌愈尊其基廣二

十五丈直三十五丈有奇社學三所匡山書院南

唐學士羅洞晦建事聞明宗賜額宋而初開羅弘

重修永樂中羅汝止大新之詳鄒幼直

和書院儒學右大塔寺故址嘉靖庚申知縣望伯

建巡撫都御史胡松記贍田一百三十畝謹

志永仁書院覺堂寺右萬曆初里人為胡直建

吉水縣儒學在縣治東北八十步天聖四年縣令張

浦建慶元間縣令林半千脩元陞為州學至治三

年知縣馮稱德重修洪武而後知州費震知縣李

恒甫署縣事知州柯暹知縣顧景昌王之誥以次

增飾其所米備規制稱弘敞焉學田嘉靖間知縣

王篆萬曆間知縣江沛狀先後置田萬安張雨邑

人曾同亭撰記社學四所

永豐縣儒學舊在縣治之西南歲稔倉後宋知縣段
繼立紹興七年知縣李諤徙之治東十七年知縣
吳南老又徙之感應坊右元季燬于兵洪武初知
縣蔡玘重建三十二年知縣趙季通正統四年知
縣李珣十年知縣黃永從嘉靖癸卯縣丞楊繼儒
萬曆庚辰知縣馮應鳳後先增修之社學四所武
城書院在縣治西三十里龍潭元學士曾德裕創
祀宗聖曾子有吳澄記元季書院燬嘉靖間修復
之陽豐書院在西坊六一書院在縣治百步嘉靖

吉安府志

學校志

間知縣張言建祀歐陽文忠公鄒守益記一峯書
院在儒學西提學邵寶建祀修撰羅倫而自爲記
金牛書院在明德鄉金牛洞修撰羅倫講學之所
瀧岡書院在縣東坊正統丙子提學田汝耘建記
大理寺丞鄒瑾御史魏冕

安福縣儒學舊在縣治東南百三十步元豐四年縣
令李康成建元祐五年令譚侁移治東順安鄉去
縣一里而近紹興十三年令趙師日以講肄不便
請于州易以治西片霞觀爲今學洪武元年知州

侯志健始建明倫堂劉霖爲記洪頤問知縣趙敏
景泰間知縣賈懋弘治間知縣莊典葺之正德間
知縣俞夔加葺之鄒守益爲記久之廟圯萬曆癸
朱知縣閔世翔撤故廟更創治焉乃煥然易舊觀
矣有鄒善記學田先是知縣俞則全始置田王學
夔爲記萬曆間知縣倪凍復斤羨益以田八百畝
自餼士而外有餘則以時賑寒士焉社學五所復
古書院在縣東卽儒學舊基嘉靖十五年知縣程
文德建中爲文明堂茂對堂在文明堂之後翼室

各四後爲尊經閣隆慶間知縣李忱重修劉陽記
堂東西兩齋曰忠信曰篤敬其前爲道德之門又
前爲書院門東西號各四座東號外爲射圃語具
程文德葺鄒守益記中書院舊所置田萬曆九
年奉文變賣今知府余之禎知縣閔世翔增置租
一百桶有奇且修葺其地廢三先生祠在尊經閣
下祀王守仁程文德鄒守益二賢祠在茂對堂之
左祀布衣劉文敏劉肇家萬曆甲申知府余之禎
知縣閔世翔建有王時槐記復真書院在治南五

十里嘉靖戊午邑南士民協建中爲堂堂後爲聚
奎樓記劉文敏劉邦采劉陽一仁四先生其左
爲圖書之府樓後爲東廊先生行臺祀王其中正
堂前爲萃勝樓其左有飛仙閣詳具復真會籍暨
創置錄中復禮書院在治西一百里二十五都東
林觀右隆慶壬申邑西士民協建中爲明德堂翼
相捐田三十畝給會費義田二所一在循化鄉
之錢山義士李坦爲鄉族人置其田五十畝以一

吉安府志

學校志

十三

區爲井田分公私正經界一在清德鄉之南陂義
士甘則禹爲族人置義塾在錢山義士李坦爲其
族子建

龍泉縣儒學宋紹興間縣令李準始建在城南門外
景炎中燬于兵元季元二十二年徙城西隅尋移
今所至正間復燬于兵洪武初知縣高德賢重建
宣德間知縣蔡恩簡之景泰間教諭方玘請于都
御史韓雍勸募邑民謝汝泉等大新之

萬安縣儒學宋顧寧中知縣許浹建在縣治南龍溪

門外徙米倉側又徙舊務場慶元五年知縣趙思
適徙今所時必大爲記元至正燬于兵洪武三年
知縣馮勝重建後知縣王居敬修之弘治中縣丞
濮奎正德中知縣桑翹加葺治焉嘉靖丙午前令
虞守愚撫江西發贖金檄縣撤舊棊而大新之歲
久且敝知縣劉繼文庀財鳩工自殿堂廡祠至于
齋舍門亭庖湔易朽興頽於是儒學奕奕言言聳
巨瞻矣學田舊無有有之自教諭林相始腴力不
能滿志知縣劉繼文稍益之知縣譚希思增置田

四十石而自爲序尤惓惓周寒士云社學五所嘉
靖間劉繼文重修萬曆間譚希思復建興賢社學
于精脩觀之左龍溪書院舊在治西五十步昔周
濂溪仕南安嘗借二程先生來遊萬安邑人建書
院像而祀之事聞詔置山長壬之元燬于兵劉繼
文卽南門廢寺改復雲興書院夔陂書院

永新縣儒學舊在縣治東宋慶曆初始建宣德二年
署縣知州柯暹勸邑義士蕭可道出金五百兩建
大成殿戟門兩廡景泰五年都御史韓雍按縣復

勸義民蕭可道子蕤出金如可道建明倫堂嘉靖
二十八年知縣徐衍祚重建興文閣祭酒鄒守益
記三十一年文廟災其時適士科屢乏絕遂改學
邑西南有羅洪先記萬曆四年知縣龔錫爵建興
文閣於明倫堂後別置學田若干畝以給士之來
誦肄者小學嘉靖中知縣郭天福建崇正書院在
鳳尾湖灣尙書尹臺建

永寧縣儒學在縣治西五十步 洪武五年知縣蕭文
斌始創知縣趙裕建殿廡齋廊十五年主簿朱厚

吉安府志

學校志

十四

增修弘治三年知縣馬鉅大新之有王臣記正德
而後知縣陶膺陸時雍熊欽張節唐宗陶謝元光
教諭王鑛相嗣葺修規制類備社學舊志載二所

吉安府儒學明倫堂尊經閣久傾圮順治十五年
知府李興元重修白鷺書院請移仁壽山尋廢萬
曆間知府汪可受復建於白鷺洲規制弘敞雲章
閣三祀堂三不朽坊門廊炳煥崇禎末燬於兵順
治十二年知府李興元重修大復前規赫狀可觀
廬陵縣儒學即仁壽山今就頽順治十六年知縣張

文熹十七年知縣劉愈炤相繼修葺

泰和縣儒學歲久傾圮順治十二年撤明倫堂顏科
增修 文廟 啓聖名宦鄉賢兩廡俱廢

台水縣儒學天啓四年知縣何應奎邑人都御史鄒
元標創願學堂爲諸生學舍後巡撫解學龍改願
學堂爲仰止祠祀元標有碑記崇禎十二年祀劉
文節於后今悉如舊

永豐縣儒學原南向萬曆間知縣馮應鳳改造東南
向後知縣瞿式耜增修歲久漸圮順治十六年知

吉安府志

李校志

十五

縣鄧秉恒重修

安福縣儒學明倫堂圯順治十五年知縣表時泰重
修兩廡名宦鄉賢俱廢識仁書院在治西劉元卿
建宗孔書院在治北道東書院在治東同善書院
在治南康穗建近聖館在城各有碑記

龍泉縣儒學順治二年燬順治十二年知縣路汝前
修復聖廟十六年知縣石躍重修兩廡大成門名

宦鄉賢祠

萬安縣儒學順治二年燬十六年重修

永新縣儒學原在治東嘉靖間移建治西南隅萬曆
間知縣余懋衡復建於城東故址近燬順治十六
年知縣王登祿重修

永寧縣儒學崇禎間知縣陸起龍（）造東門順治八
年燬順治十六年知縣鄭士棹重修